

**TEKS UCAPAN**  
**YANG HORMAT PROFESOR DATO' DR. DAING NASIR IBRAHIM**  
**NAIB CANSELOR UNIVERSITI MALAYSIA PAHANG**  
**SEMPENA**  
**MAJLIS PERASMIAN EXPOCONVO'16 UNIVERSITI MALAYSIA PAHANG**  
**PADA HARI KHAMIS, 17 NOVEMBER 2016, PUKUL 8.00 MALAM**  
**DI DATARAN CANSELERI, UMP KAMPUS GAMBANG**

---

**SALUTASI**

Saudara dan saudari pengacara majlis;

Yang Amat Berhormat Dato' Sri Diraja Haji Adnan Haji Yaakob,

Meneteri Besar Pahang;

Yang Hormat Dato' Haji Ahmad Azmey Abu Talib,

Ahli Lembaga Pengarah UMP;

Rakan-rakan saya:

Yang Hormat Profesor Dato' Dr. Rosli Mohd Yunus,

Timbalan Naib Canselor (Akademik & Antarabangsa);

Yang Hormat Profesor Dato' Dr. Yuserrie Zainuddin,

Timbalan Naib Canselor (Hal Ehwal Pelajar & Alumni);

Profesor Dr. Mashitah Mohd Yusoff,  
Timbalan Naib Canselor (Penyelidikan & Inovasi);

Encik Abd Hamid Majid,  
Pendaftar;

Penolong-penolong Naib Canselor, Pegawai-pegawai Utama,  
Dekan-dekan, Pengarah-Pengarah  
dan Ketua-ketua Pusat Tanggungjawab;

Saudara Madyasir Ahmad Basir,  
Yang Dipertua Majlis Perwakilan Pelajar;

Saudari Nur Alin Mohd Azhari;  
Ketua Pengarah Expoconvo 2016;

Wakil-wakil pihak penaja Expoconvo 2016;  
dan barisan ahli Jawatankuasanya;

Wakil-wakil media;

Tuan-tuan dan puan-puan;

Para mahasiswa dan sidang hadirin yang dikasihi;

*Assalamualaikum warahmatullahi wabarakatuh,*

Salam Sejahtera dan Salam 1Malaysia.

## **KATA PEMBUKA**

1. *Alhamdulillah, sukalah saya merakamkan setinggi-tinggi kesyukuran ke hadrat Allah Ta'ala kerana dengan limpah rahmat, kurnia dan izin-Nya, maka kita dapat bertemu pada malam ini dalam Majlis Perasmian Expoconvo 2016 sempena Majlis Konvokesyen UMP Ke-11.*
  
2. Terlebih dahulu, bagi pihak pengurusan dan seluruh warga Universiti ini, saya ingin mengucapkan selamat datang dan mengalu-alukan tetamu kehormat kita, Yang Amat Berhormat Dato' Sri Diraja Haji Adnan Haji Yaakob, Menteri Besar Pahang atas kesudian beliau menyempurnakan perasmian Expoconvo 2016 ini.

3. Perasmian Expoconvo 2016 ini turut menandakan bahawa detik yang ditunggu-tunggu para graduan iaitu Majlis Konvokesyen Ke-11 semakin hampir. Majlis Konvokesyen Ke-11 UMP akan berlangsung selama tiga hari mulai pada 19 November hingga 21 November 2016.
4. Seramai 2,465 orang graduan menerima ijazah dan diploma masing-masing dalam konvokesyen kali ini. Daripada jumlah tersebut, seramai 43 orang merupakan graduan Doktor Falsafah, 144 orang graduan Sarjana, 54 graduan Sarjana Eksekutif, 1,615 orang graduan Sarjana Muda dan 321 orang graduan Diploma.
5. Justeru, Expoconvo melengkapkan majlis konvokesyen kali ini sebagai satu temasya tahunan bagi meraikan kejayaan para graduan dan keluarga mereka dengan pelbagai acara menarik yang dianjurkan khusus bagi memeriahkan Majlis Konvokesyen UMP.

6. Sebagaimana lazimnya, UMP terus memberi kepercayaan kepada warga mahasiswanya untuk mengelolakan pelaksanaan Expoconvo secara menyeluruh dengan diterajui oleh Majlis Perwakilan Pelajar. Kepercayaan ini adalah manifestasi komitmen berterusan pihak pengurusan untuk memastikan para mahasiswa UMP menerima pengalaman kampus yang terbaik sepanjang pengajian mereka di sini.
7. Penglibatan dalam gerak kerja Expoconvo mendedahkan para mahasiswa kepada selok-belok pengurusan acara yang berkualiti dengan kemahiran komunikasi yang berkesan. Inilah sebahagian daripada pengalaman kampus tersebut.

### **MEMASYARAKATKAN UNIVERSITI**

8. Yang Amat Berhormat Dato' Sri Diraja, tuan-tuan dan puan-puan;

Melalui acara seperti Expoconvo, UMP turut berharap untuk terus dapat memasyarakatkan kewujudannya, khususnya di kawasan di mana kampus Universiti ini berada iaitu Gambang dan Pekan.

9. Maka itu, aktiviti-aktiviti yang mengisi Expoconvo 2016 tidak hanya mensasarkan warga UMP semata-mata, tetapi turut menggalakkan penyertaan awam seperti acara Fun Run, Crazy Run, Pertandingan Memancing dan lain-lain lagi dengan didasari tema “*ENCHANTED: Entrepreneurship, Celebration And Technology*”.
10. Kesempatan yang terbuka sepanjang Expoconvo dan Majlis Konvokesyen Ke-11 ini turut membolehkan para pengunjung dari kalangan keluarga graduan dan orang awam untuk mengenali UMP dengan lebih dekat, khususnya keunikan Universiti ini dalam konteks program akademik dan pencapaian penyelidikan saintifiknya.
11. Justeru, dengan pengisian dan aktiviti yang mampu menyentuh setiap segmen pengunjung yang datang ke kampus ini sempena Majlis Konvokesyen Ke-11 ini, Expoconvo 2016 merupakan satu medium promosi yang amat berkesan UMP dilihat kewujudannya, dirasai kehadirannya dan didengari suaranya.

12. Sehubungan dengan itu, saya ingin mengambil peluang ini untuk menjemput masyarakat sekitar dan orang ramai untuk turut berkunjung ke UMP bagi memeriahkan Expoconvo 2016
13. Dengan dukungan pihak penaja dan sokongan masyarakat secara keseluruhannya, Expoconvo akan terus dapat dilestarikan sebagai sebuah acara rakyat – daripada Universiti untuk masyarakat.

## **KATA PENUTUP**

14. Yang Amat Berhormat Dato' Sri Diraja, tuan-tuan dan puan-puan,  
  
Sebelum mengakhiri ucapan ini, saya ingin merakamkan setinggi-tinggi ucapan syabas kepada Ketua Pengarah Expoconvo 2016, Saudari Nur Alin Mohd Azhari dan seluruh ahli jawatankuasanya atas komitmen tinggi yang diberikan bagi menjayakan acara ini.
15. Dengan kerjasama jitu yang diperolehi daripada setiap Pusat Tanggungjawab yang berkaitan, persediaan penganjuran Expoconvo 2016 yang dirancang sejak setahun yang lalu mampu menatijahkan acara yang berkualiti dengan manfaat optimum untuk setiap kumpulan sasarannya.

16. Bagi pihak pengurusan UMP pula, saya ingin merakamkan ucapan terima kasih kepada semua penaja atas sumbangan yang telah diberikan. Tidak ketinggalan juga ucapan penghargaan diberikan kepada para rakan niaga, usahawan dan semua pihak yang terlibat dengan pengisian serta aktiviti sepanjang Exponconvo 2016.
17. Akhirnya, marilah kita sama-sama berdoa mudah-mudahan Majlis Konvokesyen Ke-11 UMP pada 19 hingga 21 November 2016 kelak akan berlangsung dengan lancar dan terhindar dari sebarang perkara yang tidak diingini, *Amin*.

Sekian,

*Wabillahi taufiq walhidayah,*

*Assalamualaikum warahmatullahi wabarakatuh.*